

REGLUGERÐ FRAMKVÆMDASTJÓRNARINNAR (EB) nr. 2067/2005

2011/EES/59/16

frá 16. desember 2005

um breytingu á reglugerð (EB) nr. 92/2005 að því er varðar annars konar aðferðir við förgun og notkun á aukaafurðum úr dýrum (*)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 1774/2002 frá 3. október 2002 um heilbrigðisreglur um aukaafurðir úr dýrum sem ekki eru ætlaðar til manndisil (1), einkum 4. gr. (e-liður 2. mgr.) 5. gr. (g-liður 2. mgr.), 6. gr. (i-liður 2. mgr.) og 32. gr. (1. mgr.),

og að teknu tilliti til eftirfarandi:

- 1) Í reglugerð (EB) nr. 1774/2002 er mælt fyrir um reglur um aðferðir við förgun og notkun á aukaafurðum úr dýrum. Þar er einnig kveðið á um að unnt sé að samþykkja viðbótaraðferðir við förgun og notkun á aukaafurðum úr dýrum, að höfðu samráði við viðeigandi vísindanefnd.
- 2) Á grundvelli álita sem vísindastýrningurinn og Matvælaöryggisstofnun Evrópu hafa gefið út eftir gildistöku reglugerðar Evrópuþingsins og ráðsins (EB) nr. 178/2002 frá 28. janúar 2002 um almennar meginreglur og kröfur samkvæmt lögum um matvæli, um stofnun Matvælaöryggisstofnunar Evrópu og um málsmeðferð vegna öryggis matvæla (2) hefur framkvæmdastjórnin fram að þessu samþykkt fimm vinnsluferli sem annars konar aðferðir við förgun eða notkun aukaafurða úr dýrum.
- 3) Á grundvelli upplýsinga sem umsækjendur veittu eftir samþykkt reglugerðar framkvæmdastjórnarinnar (EB) nr. 92/2005 frá 19. janúar 2005 um framkvæmd reglugerðar Evrópuþingsins og ráðsins (EB) nr. 1774/2002 að því er varðar aðferðir við förgun eða notkun á aukaafurðum úr dýrum og um breytingu á VI. viðauka við hana að því er varðar umbreytingu lífgass og vinnslu bræddrar fitu (3) gaf Matvælaöryggisstofnun

Evrópu út álit 22. apríl 2004 um brennslu tólgar í gufufurframléislukatlí (thermal boiler) og 2. júní 2004 um framleiðsluferli fyrir lífdísil sem örugga aðferð við förgun efnis úr 1. flokki.

- 4) Á grundvelli þessa mats frá Matvælaöryggisstofnun Evrópu má einnig telja að framleiðsluferli fyrir lífdísil sé örugg aðferð við förgun og notkun efnis úr 1. flokki. Því ber að breyta reglugerð (EB) nr. 92/2005 til að endurspeglar þetta frekara mat.
- 5) Matvælaöryggisstofnun Evrópu komst einnig að þeirri niðurstöðu að telja megi brennslu tólgar í gufufurframléislukatlí sem örugga aðferð við förgun og notkun aukaafurða úr dýrum. Skilyrðin fyrir því að vinnsluferlið teldist öruggt endurspeglar því í frekari breytingum á reglugerðinni. Heimilt skal að flytja fitu, sem er meðhöndluð í samræmi við vinnslubreyturnar, til annarra stöðva til brennslu til að koma í veg fyrir vanda sem skapast með varabirgðum af efni sem verður til við vinnsluna í starfsstöðvum sem fyrir eru. Ströng skilyrði gilda um aðskilnað milli brennslu og vinnslu matvæla og fôðurs.
- 6) Tækniframfarir hafa leitt til þess að nokkrar breyttar vinnslubreytur fyrir lokastig framleiðsluferlis fyrir lífdísil og brennslu tólgar í gufufurframléislukatlí hafa verið þróaðar. Lögbær yfirvöld aðildarríkja eiga að geta samþykkt þessar breyttu vinnslubreytur, að því tilskildu að einni þeirra vinnslubreyta, sem kveðið er á um í reglugerð (EB) nr. 1774/2002, hafi áður verið beitt.
- 7) Samþykki fyrir og notkun á slíkum staðgöngu-vinnsluferlum skal ekki hafa áhrif á aðra gildandi löggjöf Bandalagsins, einkum umhverfislöggjöf. Í samræmi við það má fella niður kröfur um kerfi til að hreinsa lofttegundir við basískt vatnsrof og framleiðslu lífdísils.
- 8) Ekki þarf að merkja lífdísil á varanlegan hátt þar eð framleiðsluferlið er öruggt og auðveldar ber notkun þess sem annars konar eldsneytis.
- 9) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

(*) Þessi EB-gerð birtist í Stjtið. ESB L 331, 17.12.2005, bls. 12. Hentar var getið í ákvörðun sameiginlegu EES-nefndarinnar nr. 135/2007 frá 26. október 2007 um breytingu á I. viðauka (Heilbrigði dýra og plantna) við EES-samninginn, sjá EES-viðbæti við Stjórnartíðindi Evrópusambandsins nr. 19, 10.4.2008, p. 51

(1) Stjtið. EB L 273, 10.10.2002, bls. 1. Reglugerðinni var síðast breytt með reglugerð framkvæmdastjórnarinnar (EB) nr. 416/2005 (Stjtið. ESB L 66, 12.3.2005, bls. 10).

(2) Stjtið. EB L 31, 1.2.2002, bls. 1. Reglugerðinni var breytt með reglugerð (EB) nr. 1642/2003 (Stjtið. ESB L 245, 29.9.2003, bls. 4).

(3) Stjtið. ESB L 19, 21.1.2005, bls. 27.

SAMÞYKKT REGLUGERÐ ÞESSA:

I. gr.

Reglugerð (EB) nr. 92/2005 er breytt sem hér segir:

1. Í stað 1. og 2. mgr. 1. gr. komi eftirfarandi:

„1. Basískt vatnsrof, eins og það er skilgreint í I. viðauka, lífgasframleiðsla með vatnsrofi undir háþrýstingi, eins og það er skilgreint í III. viðauka, lífdísilframleiðsla, eins og það er skilgreint í IV. viðauka, og brennsla dýrafitu í gufufframleiðslukatli, eins og það er skilgreint í VI. viðauka, eru samþykkt og lögbæru yfirvaldi er heimilt að leyfa þau til meðhöndlunar og förgunar á efni úr 1. flokki.

2. Lögbæru yfirvaldi er heimilt að leyfa notkun annarra vinnslubreyta fyrir það stig við lífdísilframleiðslu sem um getur í i. lið b. liðar í 1. lið IV. viðauka og fyrir það stig vinnsluferlis við brennslu dýrafitu í gufufframleiðslukatli sem um getur í i.-lið c-liðar í 1. lið VI. viðauka ef áhættan, að því er varðar lýðheilsu og heilbrigði dýra, minnkar á sambærilegan hátt með þessum breytum.“

2. Í stað 2. gr. komi eftirfarandi:

„2. gr.

Basískt vatnsrof, vatnsrof við háan hita og mikinn þrýsting, lífgasframleiðsla með vatnsrofi undir háþrýstingi, lífdísilframleiðsla, Brookes-gösun (Brookes gasification) og brennsla dýrafitu í gufufframleiðslukatli, eins og vinnsluferlin eru skilgreind í I.VI. viðauka, eftir því sem við á, eru samþykkt og lögbæru yfirvaldi er heimilt að leyfa þau til meðhöndlunar og notkunar eða förgunar efnis í

2. eða 3. flokki. Lögbæru yfirvaldi er heimilt að leyfa notkun annarra vinnslubreyta fyrir það stig lífdísilframleiðslu sem um getur í i. lið b-liðar í 1. lið IV. viðauka og það stig vinnsluferlis við brennslu dýrafitu í gufufframleiðslukatli sem um getur í i. lið c-liðar í 1. lið VI. viðauka ef áhættan, að því er varðar lýðheilsu og heilbrigði dýra, minnkar á sambærilegan hátt með þessum breytum.“

3. Í stað „I.-V. viðauka“ í fyrirsögninni og í fyrsta málslið 3. gr. komi „I.-VI. viðauka“.

4. Ákvæðum 4. gr. er breytt sem hér segir:

a) Í stað fyrstu undirgreinar 1. mgr. komi eftirfarandi:

„1. Efni sem kemur úr vinnslu, að undanskildum lífdísli sem er framleiddur í samræmi við IV. viðauka, skal merkt varanlega, með lykt ef því verður tæknilega við komið, í samræmi við 8. lið I. kafla VI. viðauka við reglugerð (EB) nr. 1774/2002.“

b) eftirfarandi 5. mgr. bætist við:

„5. Þó er heimilt að nota þær aukaafurðir úr dýrum, sem verða til við meðhöndlun efnis í samræmi við IV. viðauka, í þeim tilgangi sem kveðið er á um í þessum viðauka.“

5. Ákvæðum I., III. og IV. viðauka er breytt í samræmi við viðaukann við þessa reglugerð og VI. viðauki bætist við.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 16. desember 2005.

Fyrir hönd framkvæmdastjórnarinnar,

Markos KYPRIANOU

framkvæmdastjóri.

VIÐAUKI

Viðaukunum við reglugerð (EB) nr. 92/2005 er breytt sem hér segir:

1. Í I. viðauka falli b-liður 3. liðar brott.
2. Í stað b-liðar í 2. lið III. viðauka komi eftirfarandi:

„b) Lifgasið, sem er framleitt meðan á vinnsluferlinu stendur, er brennt hratt í sömu stöð við a.m.k. 900 °C og síðan kælt hratt (snöggkæling).“
3. 1. lið IV. viðauka er breytt sem hér segir:
 - a) í stað b-liðar komi eftirfarandi:

„b) Unna fitan er síðan unnin enn frekar með einhverri af eftirfarandi aðferðum:

 - i. vinnsluferli þar sem unna fitan er aðskilin frá prótíninu og óleysanleg óhreinindi eru fjarlægð þannig að ekki sé eftir meira en 0,15% af þyngd og síðan er unna fitan estruð (esterfication) og umestruð (transesterfication). Þó er ekki gerð krafa um estrun fyrir unna fitu úr efni úr 3. flokki. Við estrun er pH lækkað niður fyrir 1 með því að bæta við brennisteinssýru (H₂SO₄) eða jafngildri sýru og blandan er hituð í 72 °C í 2 klukkustundir og hrært kröftuglega í á meðan. Umestrun skal framkvæmd með því að auka pH í u.þ.b. 14 með kalíumhýdroxíði eða með jafngildum basa við 35 til 50 °C í a.m.k. 15 til 30 mínútur. Umestrun skal framkvæma tvisvar við þær aðstæður sem lýst er í þessum lið með því að nota nýja basiska lausn. Á eftir þessu vinnsluferli eru afurðirnar hreinsaðar, þ.m.t. með undirþrýstieimingu við 150 °C, og þá verður til lífðísill,
 - ii. vinnsluferli þar sem notast er við jafngildar vinnslubreytur sem opinbert yfirvald heimilar.“
 - b) c-liður falli brott,
 - c) eftirfarandi 3. liður bætist við:

„3. Aukaafurðir úr dýrum, sem verða til við framleiðsluferlið þegar staðlarnir, sem um getur í b-lið 1. liðar eru notaðir, má nota til brennslu í samþykktri stöð. Ef um er að ræða fituhluta úr efni úr 3. flokki má nota aukaafurðir úr dýrum úr framleiðsluferlinu til að framleiða tæknilegar vörur.“
4. Eftirfarandi VI. viðauki bætist við:

„VI. VIÐAUKI

Brennsla dýrafitu í gufuframleiðslukatli

1. Brennsla dýrafitu felur í sér meðhöndlun á fituhluta aukaafurða úr dýrum við eftirfarandi skilyrði:
 - a) fituhluti aukaafurða úr dýrum er fyrst unninn með því að nota:
 - i. ef um er að ræða fituhluta sem á að brenna í annarri stöð, vinnsluaðferð 1 eins og um getur í III. kafla V. viðauka við reglugerð (EB) nr. 1774/2002 fyrir efni úr 1. og 2. flokki og
 - ii. einhverja af vinnsluaðferðum 1 til 5 eða 7 eða, ef um er að ræða efni úr fiski, vinnsluaðferð 6 eins og um getur í III. kafla V. viðauka við reglugerð (EB) nr. 1774/2002 fyrir efni úr 1. og 2. flokki sem ætlað er til brennslu innan sömu stöðvar og efni úr 3. flokki,
 - b) fituhlutinn er aðskilinn frá prótíninu og óleysanleg óhreinindi, sem eru ekki yfir 0,15% af þyngd, eru fjarlægð,

- c) að loknu vinnsluferlinu, sem um getur í a- og b-lið, er:
- i. fitunni breytt í gufu í gufufurframleiðslukatli og brennd við a.m.k. 1100 °C í a.m.k. 0,2 sekúndur eða
 - ii. fitan unnin þar sem notast er við jafngildar vinnslubreytur sem opinbert yfirvald heimilar.
2. Brennsla fitu úr efni úr 1. og 2. flokki verður að fara fram í sömu stöð og þar sem fitan er brædd með það að markmiði að nýta orkuna, sem er framleidd, til bræðslunnar.
- Lögbæru yfirvaldi er þó heimilt að leyfa að fitan sé flutt til annarra stöðva til brennslu, að því tilskildu:
- a) að viðtökustöðin hafi leyfi til brennslunnar,
 - b) að samþykkt matvæla- eða fôðurvinnsla á sama athafnasvæði fari fram við ströng skilyrði um aðskilnað.
3. Brennsla efna úr dýraríkinu, annarra en dýrafitu, er óheimil.“
-